

Na osnovu člana 10. stav 1. tačka 1. podtačka e) Zakona o komunalnim djelatnostima («Službene novine Zeničko–dobojskog kantona» broj 17/08) i člana 25. stav 1. tačka 2. Statuta općine Zavidovići («Službeni glasnik općine Zavidovići» broj 5/2008 i 5a/2008), Općinsko vijeće Zavidovići na 19. sjednici održanoj dana 27.02.2010. godine donijelo je

ODLUKU

o kalkulativnim parametrima

Član 1.

Cijenu komunalnih djelatnosti obrazuju po djelatnostima sljedeći parametri:

1. SUHO ČIŠĆENJE:

- a) m² kao mjerna jedinica površine predviđene za čišćenje
- b) broj radnika neophodnih za suho čišćenje
- c) norma rada radnika po m²
- d) cijena norma sata prema cijenovniku predloženom u skladu sa članom 19. Zakona o komunalnim djelatnostima
- e) procenat zaprljanosti površine predviđene za čišćenje.

2. MOKRO ČIŠĆENJE:

- a) m² kao mjerna jedinica površine predviđene za čišćenje
- b) broj radnika neophodan za mokro čišćenje
- c) norma rada radnika po m²
- d) cijena norma sata radnika prema cijenovniku predloženom u skladu sa članom 19. Zakona o komunalnim djelatnostima
- e) procenat zaprljanosti površine predviđene za čišćenje
- f) cijena cisterne po norma satu prema cjenovniku iz člana 19. Zakona o komunalnim djelatnostima.

3. MAŠINSKO ČIŠĆENJE:

- a) m² kao mjerna jedinica površine predviđene za čišćenje
- b) broj radnika neophodan za mašinsko čišćenje
- c) norma rada radnika po m²
- d) cijena norma sata radnika prema cijenovniku predloženom u skladu sa članom 19. Zakona o komunalnim djelatnostima
- e) procenat zaprljanosti površine predviđene za čišćenje
- f) cijena mašine po norma satu prema cjenovniku iz člana 19. Zakona o komunalnim djelatnostima.

4. ODVOZ OTPADA

- a) kontejner kao mjerna jedinica
- b) vreća kao mjerna jedinica (vanurbana zona)
- c) član domaćinstva kao mjerna jedinica
- d) kanta od 80 l kao mjerna jedinica
- e) broj kontejnera predviđen za odvoz
- f) broj pražnjenja kontejnera u toku mjeseca
- g) broj radnika neophodan za odvoz
- h) cijena kamiona po jednom pražnjenju uključujući odvoz na deponiju, član 19. Zakona o komunalnim djelatnostima
- i) cijena norma sata radnika prema važećem cjenovniku.

5. ODRŽAVANJE JAVNIH ZELENIH POVRŠINA

- a) m² kao mjerna jedinica površine predviđene za čišćenje
- b) komad kao mjerna jedinica
- c) broj radnika neophodan za održavanje, šišanje i odvoz trave, zagrtanje, odgrtanje i sadnju
- d) norma rada radnika po m²
- e) cijena norma sata radnika prema cjenovniku predloženom u skladu sa članom 19. Zakona o komunalnim djelatnostima
- f) cijena mašine- kosilice
- g) broj ruža predviđen za odgrtanje, zagrtanje i sadnju.

6. ZIMSKO ODRŽAVANJE

- a) m² kao mjerna jedinica površine predviđene za čišćenje
- b) broj radnika neophodan za zimsko čišćenje
- c) norma rada radnika po m²
- d) cijena norma sata radnika prema cjenovniku predloženom u skladu sa članom 19. Zakona o komunalnim djelatnostima
- e) cijena mašine- zgrtalice po norma satu prema cjenovniku iz člana 19. Zakona o komunalnim djelatnostima
- f) površina po m² trotoara predviđenih za ručno čišćenje snijega

7. VODA

- a) m³ kao mjerna jedinica
- b) ukupni troškovi za godinu dana na proizvodnji i distribuciji vode, bez amortizacije,
- c) broj radnika koji učestvuju na proizvodnji i distribuciji vode izražena kroz KM.
- d) ukupne fakture za godinu dana izražene u m³
- e) trošak amortizacije vodovodnog sistema (infrastrukturnog komunalnog sistema) izražen u KM

8. KANALIZACIJA

- a) m³ kao mjerna jedinica
- b) broj radnika koji učestvuju na poslovima kanalizacije izražena kroz KM.
- c) ukupne fakture za godinu dana u m³ i KM
- d) odnos cijene proizvedene vode i cijene naplaćene kanalizacije izražene u procentu.
- e) ukupni troškovi za godinu dana koji se javljaju prilikom rada kanalizacionog sistema, bez amortizacije
- f) troškovi amortizacije kanalizacionog sistema (infrastrukturnog komunalnog sistema)

9. GRIJANJE

- a) m², m³ i kWh kao mjerna jedinica ovisno o vrsti potrošača i načina mjerenja
- b) ukupni troškovi za godinu dana na proizvodnji i distribuciji toplotne energije, bez amortizacije
- c) broj radnika koji učestvuju na proizvodnji i distribuciji toplotne energije izražena kroz KM.
- d) ukupne fakture za godinu dana izražene u KM
- e) ukupna površina zagrijavanja izražena u m²
- f) trošak amortizacije postrojenja za grijanje izražen u KM.

Član 2.

Obavezuje se davalac komunalnih usluga da prilikom predlaganja cijena komunalnih usluga u potpunosti primjenjuje kalkulatívne parametre navedene u članu 1.

Član 3.

Ova Odluka stupa na snagu danom objavljivanja u «Službenom glasniku općine Zavidovići», a primjenjivat će se od 01.01.2010. godine.

OPĆINA ZAVIDOVIĆI
OPĆINSKO VIJEĆE

Broj: 01-23-5335/09
Datum: 27.02.2010.godine

(M.P.)

PREDSJEDAVAJUĆI
OPĆINSKOG VIJEĆA

ing.Radosav Petrović, s.r.

O B R A Z L O Ž E N J E

PRAVNI OSNOV

Članom 10. tačka 1. podtačka e) Zakona o komunalnim djelatnostima Zeničko – dobojskog kantona („Službene novine Zeničko–dobojskog kantona“ broj: 17/08), propisana je obaveza usvajanja kalkulativnih parametara kao jednog od podzakonskih propisa „da se cijene komunalnih usluga obrazuju prema kalkulativnim parametrima, koje će usvojiti Općinsko vijeće, kojim se obezbjeđuje najmanje prosta reprodukcija u periodu od dvije godine“

RAZLOZI DONOŠENJA ODLUKE

Dana 08.01.2009.godine stupio je na snagu Zakon o komunalnim djelatnostima Zeničko–dobojskog kantona.

Članom 49. Zakona o komunalnim djelatnostima Zeničko–dobojskog kantona („Službene novine Zeničko–dobojskog kantona“ broj: 17/08), određeno je: „Općinska vijeća će najkasnije u roku od jedne godine od dana stupanja na snagu ovog zakona donijeti podzakonske propise propisane ovim Zakonom“.

Općinski načelnik je svojim Rješenjem 02-34-4526/09 od 12.10.2009. godine imenovao Radnu grupu za izradu kalkulativnih parametara. Radna grupa je prilikom izrade prevashodno imala u vidu iskustva JKP "Radnik"d.o.o., njihove normative, iznos planiran u Budžetu za finansiranje zajedničke komunalne potrošnje, iskustva susjednih općina, kao i zemalja u regiji. Na zahtjev Radne grupe, JKP "Radnik"d.o.o. Zavidovići je blagovremeno dostavio Operativni plan komunalne higijene za 2010. godinu, kojim je obuhvaćeno: suho čišćenje, mokro čišćenje, odvoz otpada, održavanje javnih zelenih površina, zimsko održavanje ulica u gradu, te prigradskih i strmih ulica. Radna grupa je Odlukom obuhvatila i kalkulativne parametre za obrazovanje cijena vode i kanalizacije. Radna grupa je postupajući u skladu sa članom 10. tačka 2. Zakona o komunalnim djelatnostima uzela u obzir broj stanovnika obuhvaćenog tretiranim komunalnim djelatnostima, broj pravnih osoba, površinu predviđenu za čišćenje, dužinu saobraćajnica, kvalitet infrastrukture, broj uposlenika u radnom odnosu u JKP"Radnik"d.o.o. Cilj je bio utvrditi kalkulativne parametre, a da se njihovim postavljanjem zadrži postignuti nivo u pružanju komunalnih usluga, stvori prostor za podizanje standarda u pružanju istih, a da pri tom cijene koje će se obrazovati na osnovu utvrđenih kalkulativnih parametara ipak budu odraz mogućnosti kako pravnih, tako i fizičkih lica, a ne osnov za udar na budžete kako pojedinaca tako i poduzetničkog sektora kao nosioca razvoja ove općine, i da pri tom usvajanjem ove Odluke Općinsko vijeće obezbijedi najmanje prostu reprodukciju u periodu od dvije godine. Ova

Odluka će biti osnov davatelju komunalnih usluga za obrazovanje i predlaganje cijana koje će u konačnici usvojiti Općinsko vijeće .

UČEŠĆE JAVNOSTI U DONOŠENJU ODLUKE

Općinsko vijeće Zavidovići na svojoj 16. sjednici, održanoj 12.12.2009. godine donijelo je zaključak broj 01-23-5535/09 kojim se prihvata Nacrt odluke o kalkulativnim parametrima i isti upućuje na javnu raspravu.

Javna rasprava je provedena tako što je u sredstvima javnog informisanja (Radio Zavidovići) objavljeno obavještenje o provođenju javne rasprave po Nacrtu odluke o kalkulativnim parametrima, te je isti upućen privrednim društvima, udruženjima samostalnih privrednika, političkim partijama, mjesnim zajednicama i strankama, te su pozvani za učešće u javnoj raspravi.

Tokom trajanja javne rasprave povodom Nacrta odluke o kalkulativnim parametrima nije podnesen niti jedan pisani komentar.

U postupku izrade Prijedloga odluke o kalkulativnim parametrima vođeno je računa o diskusiji Senada Vukovića, Ismeta Redžića, Ibrahima Bošnjakovića i Suada Omeraševića koje su vođene na 16. sjednici Općinskog vijeća Zavidovići održanoj 12.12.2009. godine povodom razmatranja-pretresa Nacrta odluke kao sastavnog dijela javne rasprave, a koja se svela na komentarisanje Nacrta bez davanja određenih prijedloga. Također je vođeno računa o zaključku Komisije za budžet, finansije i ekonomska pitanja broj 01-23-5335/09 od 03.12.2009. godine, te je prihvaćen prijedlog da se u članu 1. tačka 9., podtačka a) koja glasi «a) m³ kao mjerna jedinica» upiše tekst « a) m², m³ i kW kao mjerna jedinica ovisno o vrsti potrošača i načina mjerenja», što je na sjednici Općinskog vijeća prokomentarisao i vijećnik Ismet Redžić.

Na osnovu provedene javne rasprave sačinjen je Prijedlog odluke o kalkulativnim parametrima, koji je razmatran na 18. sjednici Općinskog vijeća Zavidovići održanoj 30.01.2010. godine, te su tom prilikom stavljene određene primjedbe kada su u pitanju kalkulativni parametri za obrazovanje cijena vode, kanalizacije i grijanja. Naime, iznesene su primjedbe da prilikom određivanja kalkulativnih parametara nije pravilno primjenjen član 19. Zakona o komunalnim djelatnostima, jer navedeni kalkulativni parametri sadrže procenat administracije što je prema diskusiji vijećnika Vuković Senada protivno navedenoj zakonskoj odredbi. Prilikom odlučivanja o usvajanju Prijedloga odluke o kalkulativnim parametrima, isti nije dobio potrebnu većinu, te je Općinsko vijeće Zavidovići donijelo zaključak kojim vraća na doradu Prijedlog odluke o kalkulativnim parametrima.

Prilikom dorade Prijedloga odluke o kalkulativnim parametrima vođeno je računa o diskusiji vijećnika Bošnjaković Ibrahima, Vuković Senada i Ismeta Redžića koja je vođena na 18. sjednici Općinskog vijeća prilikom razmatranja prijedloga navedne odluke. Na osnovu iznesenih primjedbi iz poglavlja 7. tačka c., poglavlja 8. tačka b. i poglavlja 9. tačka c. izbrisane su riječi u zagradi «ukalkulisati i procenat administracije».

ODREDBE PRIJEDLOGA ODLUKE KOJE SU PROMIJENJENE NAKON 18. SJEDNICE OPĆINSKOG VIJEĆA ZAVIDOVIĆI

Član 1.

Cijenu komunalnih djelatnosti obrazuju po djelatnostima sljedeći parametri:

7. VODA

- a) m³ kao mjerna jedinica
- b) ukupni troškovi za godinu dana na proizvodnji i distribuciji vode
- c) broj radnika koji učestvuju na proizvodnji i distribuciji vode (ukalkulisati i procenat

- administracije) izražena kroz KM.
d) ukupne fakture za godinu dana izražene u m³

8. KANALIZACIJA

- a) m³ kao mjerna jedinica
b) broj radnika koji učestvuju na poslovima kanalizacije (ukalkulisati i procenat administracije) izražena kroz KM.
c) ukupne fakture za godinu dana u m³ i KM
d) odnos cijene proizvedene vode i cijene naplaćene kanalizacije izražene u procentu.

9. GRIJANJE

- a) m², m³ i kWh kao mjerna jedinica ovisno o vrsti potrošača i načina mjerenja
b) ukupni troškovi za godinu dana na proizvodnji i distribuciji toplotne energije
c) broj radnika koji učestvuju na proizvodnji i distribuciji toplotne energije (ukalkulisati i procenat administracije) izražena kroz KM.
d) ukupne fakture za godinu dana izražene u KM
e) ukupna površina zagrijavanja izražena u m².

FINANSIJSKA I DRUGA SREDSTVA POTREBNA ZA SPROVOĐENJE ODLUKE

Za sprovođenje ove odluke nije potrebno planirati finansijska sredstva u Budžetu općine Zavidovići

OPĆINSKI NAČELNIK

Hakija Osmić, dipl. ecc.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK
Služba za upravu ekonomskih
poslova i poduzetništva

Broj: 03/5-23-542/10

Datum: 12.02.2010. godine

KABINET OPĆINSKOG NAČELNIKA

- O V D J E -

PREDMET: Prijedlog odluke o kalkulativnim parametrima, dostavlja se

U prilogu akta dostavljamo vam Prijedlog odluke o kalkulativnim parametrima na razmatranje i upućivanja Općinskom vijeću Zavidovići na usvajanje. Prijedlog odluke sačinjen je nakon provedne javne rasprave po usvojenom Nacrtu odluke o kalkulativnim parametrima i diskusije koja je vodđena na 18. sjednici Općinskog vijeća Zavidovići.

Prijedlog odluke urađen je u skladu sa Jednistvenim pravilima za izradu propisa u Zeničko-dobojskom kantonu („Službene novine ZDK“ broj 5/08).

S poštovanjem.

POMOĆNIK NAČELNIKA

Džeraldina Miličević, dipl.ing.građ.

Dostavljeno:

1. Naslovu,

2. U spis.

BOSNA I HERCEGOVINA
FEDERACIJA BOSNE I HERCEGOVINE
ZENČKO-DOBOJISKI KANTON
OPĆINA ZAVIDOVIĆI
OPĆINSKI NAČELNIK
Služba za upravu ekonomskih
poslova i poduzetništva

Broj: 03/5-23-542/10

Datum: 12.02.2010. godine

KABINET OPĆINSKOG NAČELNIKA

- O v d j e -

PREDMET: Izvještaj o provedenoj javnoj raspravi, dostavlja se

Općinsko vijeće Zavidovići na svojoj 16. sjednici, održanoj 12.12.2009. godine donijelo je zaključak broj 01-23-5535/09 kojim se prihvata Nacrt odluke o kalkulativnim parametrima i isti upućuje na javnu raspravu.

Javna rasprava je provedena tako što je u sredstvima javnog informisanja (Radio Zavidovići) objavljeno obavještenje o provođenju javne rasprave po Nacrtu odluke o kalkulativnim parametrima, te je isti upućen privrednim društvima, udruženjima samostalnih privrednika, političkim partijama, mjesnim zajednicama i strankama, te su pozvani za učešće u javnoj raspravi.

Tokom trajanja javne rasprave povodom Nacrta odluke o kalkulativnim parametrima nije podnesen niti jedan pisani komentar.

U postupku izrade Prijedloga odluke o kalkulativnim parametrima vođeno je računa o diskusiji Senada Vukovića, Ismeta Redžića, Ibrahima Bošnjakovića i Suada Omeraševića, koje su vođene na 16. sjednici Općinskog vijeća Zavidovići održanoj 12.12.2009. godine povodom razmatranja-pretresa Nacrta odluke kao sastavnog dijela javne rasprave, a koja se svela na komentarisanje Nacrta bez davanja određenih prijedloga. Također je vođeno računa o zaključku Komisije za budžet, finansije i ekonomska pitanja broj 01-23-5335/09 od 03.12.2009. godine te je prihvaćen prijedlog da se u članu 1. tačka 9., podtačka a) koja glasi «a) m³ kao mjerna jedinica» upiše tekst « a) m², m³ i kW kao mjerna jedinica ovisno o vrsti potrošača i načina mjerenja», što je na sjednici Općinskog vijeća prokomentarisao i vijećnik Ismet Redžić.

Na osnovu provedene javne rasprave sačinjen je Prijedlog odluke o kalkulativnim parametrima, koji je razmatran na 18. sjednici Općinskog vijeća Zavidovići održanoj 30.01.2010. godine, te su tom prilikom stavljene određene primjedbe kada su u pitanju kalkulativni parametri za obrazovanje cijena vode, kanalizacije i grijanja. Naime, iznesene su primjedbe da prilikom

određivanja kalkulativnih parametara nije pravilno primjenjen član 19. Zakona o komunalnim djelatnostima, jer navedeni kalkulativni parametri sadrže procenat administracije što je prema diskusiji vijećnika Vuković Senada protivno navedenoj zakonskoj odredbi. Prilikom odlučivanja o usvajanju Prijedloga odluke o kalkulativnim parametrima, isti nije dobio potrebnu većinu, te je Općinsko vijeće Zavidovići donijelo zaključak kojim vraća na doradu Prijedlog odluke o kalkulativnim parametrima.

Prilikom dorade Prijedloga odluke o kalkulativnim parametrima vođeno je računa o diskusiji vijećnika Bošnjaković Ibrahima, Vuković Senada i Ismeta Redžića koja je vođena na 18. sjednici Općinskog vijeća prilikom razmatranja prijedloga navedne odluke. Na osnovu iznesenih primjedbi iz poglavlja 7. tačka c., poglavlja 8. tačka b. i poglavlja 9. tačka c. izbrisane su riječi u zagradi «ukalkulisati i procenat administracije».

S poštovanjem.

Dostavljeno:

POMOĆNIK NAČELNIKA

1. Naslovu,
2. U spis.

Džeraldina Miličević, dipl. ing. građ